

都勻縣志稿卷二十

藝文志 外篇上

藝文不考論經籍而掇拾篇章則可徵者尙矣內篇斷自邑賢燹餘散絕片鱗一爪在所不屏惟茲外著浩若煙雲非繁博之難而嚴覈斯重第日力有限耳目難窮補逸摭新不無望於來詰

江東之字長信號念所歛縣人萬歷二十四年巡撫貴州

丁酉志序

黔志自中丞劉公侍御宿公增修迄今四十餘年而未有執簡從事者亦已疏矣予方有慨於其中欲胥謀於直指應公而會鄉先生給諫陳君以請即令有司擁篲先驅開集雅之館復延疇昔所稱一二執簡也讐校也而日趣駕焉事竣姑爲不腆之辭以志歲月今天下大一統以示無外即鬼方靡莫故地已進而中國之與列省比肩承宣德化聖天子特於黔加額開科所謂以冠裳易鱗介以俎豆飭戰陣意在斯乎則凡天文辨析於分野地理究極於輿圖士習民風兼採於夷夏田賦兵車與時盈縮固維新之一機也攷黔故志自諸葛武侯以至王文成公上下千有餘年其間

都勻縣志稿卷二十

藝文外篇上

一

英聲駿劭播溢三危概可觀矣嘉隆以來代不乏人或鐵石之衷耀奇於禦侮或瑤華之藻展采於天庭亦有却金茹淡繼美關西之清遷客碩儒講明洙泗之學是皆質之於前而有光俟之於後而可法昭昭在人聞見方眞非乘歲時之近錄而紀之將事與時湮人隨世徃典型寥邈若存若亡藉令豪傑猶興尙友之謂何今茲高世名賢操觚登壇又得督學沈君相與印正而潤色之凡例有綱有條爰分爰合各有攸當文不傷質麗而得體黔之衣冠禮樂彰而傳矣

鄒元標傳詳官師志

丁酉志序

元標荷殳黔筑埃罪六禩癸未春奉詔賜環用特恩備官掖垣諸抱疆場憂者過問黔筑事曰諸土司故世受國恩何多梗化者予曰天威照臨誰不欲守世業傳之雲仍間有不靖游民鼓掌弄之非其心也計最雄長者土輿錢穀甲兵人民不及中州一下縣且其所伏肘腋人各有心欲自相貴又四面受敵亡足計也但地磽而瘠物產旣絀有田者賦稅時加轉瞬輒罷州里長及諸小吏宦情蕭索諸小吏最苦土與民上與下交病也又尺籍消耗屯田荒蕪所稱站軍者憊於迎送軍衛益病以雄藩

較之猶巨室諸子各享富饒一子獨食貧且貧者與富者賓客祭祀燕享之需相埒捉衿露肘苦可知矣聞先正建議以湖北川東盡入版輿楚蜀不見小在黔筑式擴而大此其議非不偉而犬牙相制之說錮不得施難言矣聞者唯唯予同年中丞念所江公奉命鎮撫是邦舊游告公受事斧斷斤削洞若游刃予聞之喜已又聞公捐俸創救荒田若干又敦請予門人給諫陳君見義鄉縉紳憲副許君吉菴大葺通志夫此兩者朱紫陽氏所至奉爲令甲公毅然行於貴貴之人何幸有公也未幾公遣使以書委予序予得而披之爲圖十有二附目十有八曰星野曰沿革曰形勝曰民政曰軍政曰學政曰城郭曰公署曰秩官曰名宦曰經畧曰藝文豐約同異必詳必確草創潤色裁正銓次咸得其人卓乎貴之憲章矣中丞公心蓋曰百金之夫辛勤立門戶必有家乘以遺後人予奈何視官不如家故竭蹶爲貴筑世世計讀茲者感甲兵強弱則思振熟土苗馴梗則思馭會錢穀多寡則思裕稽盜賊出沒則思靖察士習民風淳漓則思正此治貴大較也公惓惓是志之心也雖然醫書載陰陽虛實之宜在人悟不耳執一方御衆病病之數多方不勝病醫必敗予飲食茲土者久之上常與下有齟齬不越兩端鄙夷者苟簡塞責喜事者輕舉颺發貴事益不可支有

都勻縣志稿卷二十

藝文外篇上

二

龍山志序

余爲童子時有傳鶴樓先生集至文江者從旁窺之至龍山道院記恍遊員嶠方壺恨不旦暮往足未問曲折心津津在平州六洞中矣丁丑歲予以罪譴是邦長老憶往時事持盃酒勞予曰此非小子昔時所欣羨而不得往其地者乎往則遺蹟固在也龍山萬疊將奉子湯沐矣所奪子者隘所與子者廣子其自寬荷爰至是創甚臥床褥者期年己卯秋始獲偕瀘州守吳明祥父及諸生周孟醇吳汝見等登眺其地遠盼交廣瀟湘近挹香爐金鳳諸名勝恨記中未盡其狀乃與諸人暢懷各論心數日始歸嗣是一觴一咏非龍不共予恐流風零落乃并先今題咏集爲龍山誌因系

之言曰情之好樂各因其人子厚在永州所稱鈞錡潭愚邱謂其峭直奧深子厚爲人大都類此龍山壁立萬仞如名卿碩輔垂紳正笏觀者凜然先生忠信孝友光明朗愷茲山見賞於先生固宜小子乏稜稜之節罔卜稅駕寧不見辱於茲山者幾希雖然山勢巍然不可犯由體靜定而有常小子不墮初志夫巍然而靜定者在我也語云高山仰止景行行止雖不能至心竊嚮往矣

吏治民瘼疏

兩廣雲貴吏茲土者悉謂之遠兩廣滇南文物埒中土俸餼稍厚以故人多樂居之惟是貴州僻在亥步窮處黃茅嵐氛猿獠爲伍土人聞命有投牒不往者有旣赴鬱鬱死者臣請備言其艱辛之狀臣往見都勻一驛丞南京人也懸鶉百結乞食道死又有麻哈等州衙齋荒蕪舉目淒涼而獨山知州吳譽聞者文學吏事亦自名家夜篝燈同女子守孤印皆含冤被論去視諸臣餘可知矣臣每撫膺太息曰聖天子明見萬里外忍使諸臣困至此極耶勞逸不均北門大夫不免興嘆今之情豈異古耶臣愚謂司銓者宜劑量其間除方面知府知州知縣外如各衛經歷吏目等官或陞或遷宜以四川湖廣雲南三省人當之蓋三省風氣接壤視他省稍習如或居官稱

都勻縣志稿卷二十

藝文外篇上

三

職其陞遷視他省量速一年庶幾雨露無不被之澤遠臣無向隅之泣報禮有不重者未之信也又雲貴二省原無驛夫以軍爲夫道里長遠山勢險峻每夫一名幫貼數名始得成役晝不得力耕夜不得安枕月支米不過數斗亦良慘矣國初屯戍額五千名今清平衛不過二三百人昔何以充今何以耗此其故不難知矣臣愚謂宜勅該部乘此清時一洗民間清勾夙弊至雲貴以軍代夫合無行彼處撫按官乘此清閒悉心議處以杜後患每月量加月米以恤其苦此柔遠能邇之長策也不然他日有不可知者矣

書鍾湯和藝圃蛩吟後

鍾故豫章里人徙入黔勻又爲勻名宗鱗次相望湯和自少負俊才貢上國以親老乞祿連蹇歸歸而理竹素業積久成帙其子鏗於白下遵父命題曰藝圃蛩吟蛩秋聲也江空木下零落庭虛淒淒切切無愁不盡予睹其名潛然悲之以湯和才不使之鳴春而秋吟也勻僻在叢山中或丹冥投烽綠林無恙士縉時得攀磴披雲含毫揆藻往予待罪行間時荷瓊瑤之賜茲覩斯集益可念也昔人有梁父吟五噫吟皆瓠落於時所爲卒有出而襄大業名垂宇宙者湯和有二子一麟一鳳一鶴吾聞麟

見以時鳳鳴也於朝陽鶴鳴則在陰倘翩翩而翱翥皇路則斯集固陽春之先聲乎
哉麟乎鳳乎鶴乎勉矣夫

孫應鼇

莫友芝黔詩人紀畧本傳二十五年山甫號淮海三十二自南直士如舉為清改平

科給事中

出為江西南歸萬曆初僉事陝西提學入為副使晉川年右參政隆慶改元擢僉

工部尚書

年官掌國子監祭酒太逾二年保以諡文恭告學十三年淮海刑部侍郎尋晉禮

衛士督學

於徐郡大丞衣之許以名魁就士日放誦數千言第一襟僉危事坐江務起捍禦有試

方一耿定

力然書世道亂關賊才一人言成之就提學陝西道寔人意人作身先為師道嘗與

以稱職名

於四時習力不勤焉嚴評而人黨才獵師詞者華馳而信學以已為耳某誦說而然不

不犯新術

以為師知此微則萬論師以道為極荀也溫大知新者矣以未盡也師誦說而然不

妄寔體燦

然者當如孟也子真機昭然不故息新也當大知新者矣以未盡也師誦說而然不

滯則天心

萬生之妙為一也則溫則成體不也當大知新者矣以未盡也師誦說而然不

也某職以

故子子思作中亦以溫成體不也當大知新者矣以未盡也師誦說而然不

與天一時

孰碩參四川土夷薛兆乾語執將慶以益振反英廟御者谷中恤虛一問參計日將中將

災疏請勤

學擢兆政親磨宗北狩于肅愍兆數語國威將慶以益振反英廟御者谷中恤虛一問參計日將中將

都勻縣志稿卷二十一

藝文外篇上

四

諸臣至革

除事人皆諱言因者推誣陷德乞骸骨曰去揚比再之撫子郎必陽先其詔錄則建子死

恤錄真厚

幸矣之建臣文君未沾君曠則絕心愈固諸臣有知且不能致安身受節下每復位下深量

擬必書法

見天有道空王政軌上與維屬不歸可也建固君在類凡也四子書以春秋除年必事

祭酒在武

監名意寔素風洵化人惑才何呂以遺家疏言舉之回籍中舉便朝以昌卒業

身為恥所

檢當其易蕩及籍入師材之訓弗壞及莫可如之何矣宜微天黨下舉人資望有司入為

學內非樹

風教非動胃後恩蔭不入祭酒業所擯廷者盡歸之內太提學倒置朝若此則於學外

乃為生員

不才者之逋逃數與甚且至愚不肖資貨一入咸廁其巖中太學汚之極矣

疏上悉著

為令丙子八月駕幸太學進講周書無逸章上嘉納命典坐賜茶曠蓋云極矣

勵自見既

又波石即傳其證於道陽明心造益之學籍日後趨交與羅念庵胡盧山鄒穎泉羅

近溪趙大

洲提學在倫楚侗師諸有鉅教秦緒言祭酒為故天知新士浩然有自雍論其與楚侗

精舍以居

學也子撫部論語時聖有幽心草以之求乞學者在告此而得已又曰書明近鄉里能

先物而識

其識得此部論語時聖有幽心草以之求乞學者在告此而得已又曰書明近鄉里能

一須致其

始無此部論語時聖有幽心草以之求乞學者在告此而得已又曰書明近鄉里能

言是誠敬

始無此部論語時聖有幽心草以之求乞學者在告此而得已又曰書明近鄉里能

此者佛老

之始終以便是道學過仁大識由之者告此而得已又曰書明近鄉里能

學以仁為

宗之空寂合乎中庸之道始終功而利其致外慎獨中盡人言天也之高性乎

易退任事

之敢言不業以無人違當時行亦不激存一本朝物修明史遂不然為立傳謹摭郭子

章黔書理學傳益所聞見述於篇其著述見明史志者淮海易譚四卷律呂少論發
明四卷論學會編八卷莊義要刪十卷學孔舍稷千頃堂書目者復有春秋諸生要檄
莊義二種其見於理學傳及毛在遺稿序黃虞稷石刻本題作論陝西官師節生檄
書近語左粹題評教秦語錄一此種西安有手書蓋而讀集者又一道林先生粹言
卽理學傳之教稿按緒言一雍論學孔南雍二筆之恭毅未審也一教秦總錄一粹言
南雍彙稿又續稿按先生未官南雍其南雍二字雍論之誤又一道林先生粹言
續稿爲在雍二條蓋約見本論學語一其於溫純恭毅未審也一教秦總錄一粹言
一十頃目云卷二歸來漫興友芝瑤草一卷十年見於溫純恭毅未審也一教秦總錄一粹言
評目云卷二歸來漫興友芝瑤草一卷十年見於溫純恭毅未審也一教秦總錄一粹言
已一其莊義要刪十卷有萬歷庚辰莊子翼藏者曾見之吳中蓋依褚伯秀義海并
宋以來說莊家刪其卷略其祖侍講茂爲所錄先孔舒生不潤品亦在初樂府沈雄講
丑麻哈艾嗣宗據其祖侍講茂爲所錄先孔舒生不潤品亦在初樂府沈雄講
遍讀先生之詩謹略取其半編爲四卷先舒生不潤品亦在初樂府沈雄講
魏晉而無何其拔李並馳似之誰執及耳體和蒼潤亦在初樂府沈雄講
所也明詩生以儒術經世一絕州不開省以詩稿草二種前人著錄亦未有嬌於先
者亦當與彙編中總錄爲秦中正書院諸弟附述叔語漫興爲初撫田雯所
自彙稿彙編中總錄爲秦中正書院諸弟附述叔語漫興爲初撫田雯所
詩亦當與彙編中總錄爲秦中正書院諸弟附述叔語漫興爲初撫田雯所
黔人之物尹珍以上無論已明徐節伯氣著如孫應奇申陳尙象以
及王訓詹英黃紱秦禹蔣宗魯雅復作聞特達也而玉重光尤禮吳之名宦
禾實潘潤民王祚遠蔣勸善郭子章朱燮元江東恭爲之安禮吳之名宦
莊躡唐蒙以前無論已明徐節伯氣著如孫應奇申陳尙象以
象烈成務胡宥劉大直王象乾吳國倫馮晉卿陳士奇王三善李樵史
永安劉錫鉉郭成胡從儀皆今日所尸祝俎豆之者也而青螺爲之冠

新鎮道題名碑記

都勻縣志稿卷二十

藝文篇外上

萬歷戊寅平越創建分守新鎮道行省逾庚辰參議振海黃公駐節於茲樹績宣渠
起殘敷惠蓋一方遂稱靖謐云粵稽貴竹本古鬼方靡莫地秦漢晉來稍置黔中牂
柯夜郎諸郡唐宋元或附楚或附蜀或置八番羅甸順元宣慰都元帥要以土蠻順
叛殊狀又隔閩中土故率隨所疏屬而區處之未有畫一逮我明威德四被風化昭
起爲列郡縣衛戍設省設臺設關曰三司埒他藩綱紀法度燦然具舉矣省臺各有
長有貳省之貳分守各路臺之貳分巡兵備各路人莫不展采錯事矣牽他路者不
論其分守新鎮都清兵巡專轄都勻鎮遠黎平三郡龍里新添平越清平都勻興隆
黃平七衛所兼綜湖廣偏橋鎮遠清浪平溪五開銅鼓六衛廣西南丹一州山河遼
阻蠻苗獷悍壘伍凋廢地產些窳皆倍蓰他路不可不謂難與劇矣都清兵巡駐都
勻久在提封中章程之沿革戶賦之征徭徼塞之防捍課殿之施設莫不資揆度取
裁擇乃分守以駐都會去牽路迥遠一切上之人案牘關白甚尠故下之人第習知
兵巡不復知分守乃分守亦延緣往昔之素樂閒適目爲吏隱而亦自以燕安不鈞
校非一朝夕所由來漸也萬歷乙亥雲南寅所嚴公清巡撫茲土察之因駐都會諸
分守大夫屢日開衙有全無報牒及稟公家計者嘆曰分守兵巡均地官要秩分守

無所事事若是朝廷列秩本意必不其然遂疏於朝大約謂詰戎勅罰廣厲條憲爲兵巡事理財覃澤奠守封疆爲分守事銓管雖異寔須偕濟不可以獨倚一偏臣簡核分守貴寧同畢節兵巡牽貴筑西路地險苗強止一兵巡駐畢節難控馭宜以分守貴寧移駐烏撒分守新鎮同都清兵巡牽貴筑北路境壤犬牙於他藩尤甚切放且充物宜以分守新鎮道移駐平越分守安平宜改兼清軍清軍事寡普定距都會聲聞易及彼此俱利其鉅細諸務守巡兵備宜協恭調贊文武臧否則交互咨詢重大機密則交互定命遴委典授則交互詳覆獄訟則交互鞫讞闕任則互相權攝兵刑主兵巡分守參之錢穀主分守兵巡參之事可責成官無尸曠免 偏重之嫌得術業共飭之義策似便制下吏部議如撫臣指制下允所請而分守新鎮即移平越矣是時分守巴渝劉公世賞爰卜平越城內隙地丁癸向吉選經歷劉信董厥工繕造於丙子十二月構豎於丁丑三月完美於戊寅二月堂廡靡署門楔階除攸躋攸寧有倫有序功旣畢諸公俾清平孫生應鰲記其事孫生曰凡公署有題名將覈治蹟垂標準備徵文獻稽寔功令抑亦待觀者按評品而彰鑒戒之旨咸寓於中茲所營拓已見部使善審畫不再具吾聞物聚則好醜形事比則得失辨人並則賢不

都勻縣志稿卷二十

藝文外篇上

六

肖判異日士民覩斯石口誦而手摘曰某裨益邦域某遺愛在人心有去思某節概當名宦則斯石非特分守諸大夫考政鏡德之林寔一方所由視爲甘棠蔽芾勿剪伐敗拜之具哉余固不能私不敢私矣

張廣泗

乾隆間貴州巡撫

議覆苗疆善後事宜疏

竊苗疆善後事宜經臣酌議三條具奏今於乾隆元年十二月十五日准兵部遞到大學士鄂爾泰張廷玉等寄字到臣臣查廷議內開一安設鎮營所添兵丁止一千三百餘名爲數少覺不敷應令再行妥議等因臣查朗洞一處係苗疆適中扼隘之區最關緊要臣前請另立一營設兵一千名內除分駐寨蒿都拉二汛外實存兵七百名微覺單弱應於朗洞再添兵二百名又都勻府屬之荔波縣向隸廣西管轄縣治僻處山隅未建城郭雍正十年始改屬貴州其間地廣苗悍甚於新疆前議安兵六百名亦 覺不足應再添兵二百名台拱鎮標原額兵五千名今改鎮爲營議留兵一千二百名就目前 已敷分佈但係新改營制裁兵過半且所管高坡一帶地勢深險應再添兵二百名丹江額兵一千六百名前議止留兵一千名但其地貼

近 大箐亦應添兵二百名又古州都江清江台拱八寨丹江各處於雍正七年設有同知通判等員倣照湖南乾鳳二廳之例在於同駐之官兵內各撥給把總一員兵一百名爲其親標今查此項弁兵皆就各該處營兵內撥給一兵兩轄文武徃徃因此爭執互生嫌隙且旣撥歸文員則於本營差操不能分身應役甚屬無益請將各該同知通判之親標弁兵悉撥還本營該丞倅等各添設千把一員另募兵丁一百名又現奉諭旨於古州添設巡道一員有控制漢夷之責應請加兵備銜添設標兵三百名再設守備千把各一員管轄即將該丞倅等各募新兵統歸道標專轄一轉移間則所添之兵合之原添之數共三千名兵力愈加充足可以鞏固無虞矣又廷議內開一設立郡縣雖於新疆之體統似屬可觀但欽奉諭旨嗣後苗人爭訟之事俱照苗例完結錢糧永行免徵若改立郡縣添設守令不特無事可辦徒爲糜費錢糧應無庸議等因臣查新疆較之內地政務甚簡旣有同知通判等官分地而治又添設古州巡道一員則上下相維足資料理實可不必改設郡縣惟是該丞倅等所駐劄地方均係巖疆重地兼有監倉之責除古州台拱二處向各設有佐雜其清江八寨丹江都江等處僅各有同知通判一員或遇因公出境陞遷事故一切

即可就近抵禦則苗疆駐劄之兵數較多而兵氣自奮且省添兵之費欽此仰見睿慮周詳指示盡善臣正在籌議舉行今奉到廷議祇令暫給兵丁並兵丁之子弟耕種查新疆安設營汛原以建威消萌守禦彈壓各該汛兵俱有營伍地方之責巡防操演之煩非若口外征兵駐守無事可派令屯田以資軍實也況苗疆田土盡屬水田亦非若塞外陸地易爲耕種營汛兵丁行伍差操是其所長農畝之事多有未諳至其子弟中雖有能耕者但爲數無多不敷分佈再四思維惟有凜遵聖諭安設屯軍洵爲至當不易永遠寧謐之良規也臣與司道等官悉心計議此項屯軍除先儘兵丁子弟內之能耕種者招令承領外但兵丁子弟無多查前經督臣尹繼善因逆苗蠢動飭令通省招募新兵共五千餘名訓練已及一年技勇嫻熟今軍務告竣現在酌減歸農應即在此新兵內招其能種田畝並情愿前赴苗疆承領者給與耕種如仍田多兵少即就近招募年力精壯可充兵丁之人令其領種但屯軍與漢民不同漢民三時力作之外別無餘事屯軍於農隙之時當令操演訓練遇事調遣行走應籌畫充裕庶無缺乏之虞查苗人所種水田上田每畝可出稻穀五石中田可出四石下田可出三石合計屯軍每戶給與上田六畝或中田八畝或下田十畝其所都勻縣志稿卷二十

該處同知通判加以清軍銜令其兼轄而總隸於古州巡道統屬每於農隙之時該管丞倅等董率操演該管巡道仍不時稽核點驗務俾技藝純熟以期有勇知方遇有征調按冊而稽一呼可集較之遠調士兵其利奚啻什倍再苗疆既立屯軍則應禁絕擾累以寓撫卹苗人之意其就撫餘苗固不宜令與屯軍錯雜而居亦宜酌給田土資生臣現飭承辦苗疆道府等官分往各處相度情形將田土間雜處所逐一區畫整齊凡已剿之寨投撫餘苗酌其人口多寡撥給田土歸併安插量加賞卹務令屯軍與苗人田土山場界限井然以杜將來攙混侵佔之弊則一勞永逸不致復滋後釁矣

艾茂 貴陽陳田黔詩紀畧後編十四傳茂字鳳崑麻哈人乾隆庚午舉人辛未進士序溫有官歸雲南者移寶珠茶一神植於屋後鳳崑進都春園寶珠堂罷臥雲根盤百先世編修釋存不為之閒草木逸情何異古仙且贈詩云朝衫脫罷臥雲根盤百林樂靜便生釋意不為之閒草木逸情何異古仙且贈詩云朝衫脫罷臥雲根盤百九年最是北樓山多色以好開筵影已落樽前此主鳳崑山講有雲南五華書院五年貴菴山書院稱三先生鑄合祀焉鳳崑先墓誌銘易所著有易經人貴山四書集復出之以謙讓迂余不謂然夫士各志天所成與己所成十年論有匪也為復則以謙讓迂余不謂然夫士各志天所成與己所成十年論有匪也

都勻縣志稿卷二十

藝文外篇上

憶同官時花月露飲食益於身凡六七年每抑官賦是職為特也其佳麗工雅一公卷子以謂風道人皆備吾一偕往焉然不輕下筆同修者見其濡滯也輕甲戌及出不釋謂纂修道人皆備吾一偕往焉然不輕下筆同修者見其濡滯也輕甲戌及出獻通考筆意則大辰服書院出須信有餘而後任焉故卯庚辰捷也輕甲戌及出丁去官黔撫聘則大辰服書院出須信有餘而後任焉故卯庚辰捷也輕甲戌及出人有秀才辛巳復入館者愛示御史公唯曰爾已申左適耶翁曰庚辰捷也輕甲戌及出但做秀才辛巳復入館者愛示御史公唯曰爾已申左適耶翁曰庚辰捷也輕甲戌及出留加侍講衡其孝教人必先識後應滇撫五華聘而申左適耶翁曰庚辰捷也輕甲戌及出弟叔姪高青輝映於滇則嚴日與前子亦仁承溥劉啓秀萬英蕭鳳翔猶西樵等相輝映於滇則嚴日與前子亦仁承溥劉啓秀萬英蕭鳳翔企山尺堂想徒濟風裁亦復天嶽若比鄰矣歲辛酉其子佩而齊軒舍宛然來見父執也恭泣曰父嘗與伯父相去歲辛酉其子佩而齊軒舍宛然與父兄弟也恭泣曰父嘗與伯父相去歲辛酉其子佩而齊軒舍宛然孰為我銘哉同心疾公凍書隆辛酉拔貢副榜庚午鳳崑自銘明遷成進士授貴州麻哈州城貴人山力下同但言與伯父相去歲辛酉其子佩而齊軒舍宛然院檢討居家以致顯况稱隆辛酉拔貢副榜庚午鳳崑自銘明遷成進士授貴州院途皆足以致顯况稱隆辛酉拔貢副榜庚午鳳崑自銘明遷成進士授貴州然後知天所以成之與嘉慶五年庚申九月初二日公卒理之法夫化黔名科甲梁益壬寅三月九日午時終於嘉慶五年庚申九月初二日公卒理之法夫化黔名科甲梁益西正月十六日城五里飛鳳蘭亭集字經人書時享熙稱十歲葬辛酉正月十六日城五里飛鳳蘭亭集字經人書時享熙稱十歲葬辛酉集四卷聯捷稿一卷應律詩蘭亭集字經人書時享熙稱十歲葬辛酉西正月十六日城五里飛鳳蘭亭集字經人書時享熙稱十歲葬辛酉成錄古文聚錄獨門濟其樂陶陶烏不雕之寂而世之高降官清白田逍遙其濟其樂陶陶烏不雕之寂而世之高降

獨山州人物志文學序論

序曰古稱北人看書如顯處視月南人學問如牖中窺日黔中漢時尹珍者自以生於荒裔未漸聲教乃從汝南許慎受五經學成還鄉里教授於是南域始知學然則珍固顯處窺日而為黔省學者鼻祖也至於都勻始有張鶴樓繼有鄒忠介日與勻士相切劘一時及門遂有吳鋌陳尙象諸賢維時獨山余顯鳳亦幸側聞緒論於其間後世遞相傳述蓋師弟之淵源朋友之講習烝烝然日起而有功矣

論曰太史公云顏淵子路雖賢得孔子而名益彰余顯鳳生居荒徼值草昧初開之際非得密邇都勻親炙鄒忠介文章氣節雖發奮自強豈能首開獨陽風氣領袖羣英哉沿及我朝得萬民欽躍身詞壇蓋已含英咀華一洗陋畧之舊矣嗣蔡暄振鐸古費州外翰聲價亦足增輝閭里其餘黃金鼎蔡希端李綵袁中俊李嵩輩概以明經老豈文人少達而多窮理固然哉毋亦牢落困頓中抑塞愈久則追琢愈工其潛心經傳躬為模範以示後進者乃以窮而精進益力所詣愈有加與生此地者想像大雅典型其亦可以奮然興矣

附貴陽陳矩譔翰林院檢討萬公欽墓表余嘗謂

一考論而詳定之續修都勻志靈秀也近輯通志於黔中名臣碩儒學術淵源既一嘉萬間張忠簡鄒忠介晉後雖有南來相繼兵燹屢興郡人陳逸諫尚象吳解獨山余

都勻縣志稿卷二十

藝文外篇上

十

鞏令顯鳳麻哈艾橫州友獨山昆季而後名賢輩出與王龍場講學師駿授受亦既於官師諸篇發之尤念芝莫子偲君故里令後二百年餘年學師駿授受亦得萬生大章乃取舊志閱人之語焉弗詳艾無文獻述謂兵亂後癸丑春存乃學泉池三百年隴時與彼狂人孫士印纂行甘肅通欽其伯高祖英贊循聲久著因錄及循卓章傳中規剛水學派淵源見墓也按公諱民欽仰其先世祖居南昌父賢公諱國清字楊太吾始又卒從明經國史職餘與族兄經歲入於鄉明歲成進士改庶吉士戴山梨洲學緒年授職餘與族兄經歲入於鄉明歲成進所傳姚江史藁乃南旋錄疑諸書千卷窮與探函得業講不野求里一簡欣春三禮說日富乃南旋錄疑諸書千卷窮與探函得業講不野求里一簡欣十秋著述日富乃南旋錄疑諸書千卷窮與探函得業講不野求里一簡欣傳浙東學派又流其入剛接其傳如既鞏鞏州春第聯科名鼎躍身而己忠儒深不首齊館選圭璋疆風氣之先致望甲春第聯科名鼎躍身而己忠儒深不經籍品重圭璋疆風氣之先致望甲春第聯科名鼎躍身而己忠儒深不虛譽也惜著述於兵燹州壽頌二名宦錄其鼎躍身而己忠儒深不乾隆二年秋八月丁巳距燹於志熙四萬春二月己丑春七片有鱗二一洗本陋稱之公卒於里黃家橋左燕巖配蔣孺人於麻子貴陽謝妻令庭修雍州志乙卯舉人令廣西靈川晉平府孺人於麻子貴陽謝妻令庭修雍州志乙卯卷謙曰並貢肅生孫萬英乾隆未協甘肅貢生茂春陽謝妻令庭修雍州志乙卯兄表升甘肅循吏萬英乾隆未協甘肅貢生茂春陽謝妻令庭修雍州志乙卯善乾隆甲寅恩科舉人訓導仁全道乙貢監貴山主講紫泉莫貞定先隆高弟恩科舉人訓導仁全道乙貢監貴山主講紫泉莫貞得江山靈秀以生江山亦聲賴賢喆以不顯若獨山之可秀絕剛水之險奇非尹公及諸賢

而貴人聯宋彬歷名相後無恨文因來卷并肖倦等省共然序豈昔豈余
入俱傑有艾序顛然堂也衡者學念省為致時游之代事想大特賢其鄉
其各信云兩麻末微之則山可稱昔盡艾惋加告亂有朝見章為謂遺如
室食非城太峽以言志亦夫勝顧時鈔氏去專先進以祠人相為讀氏存
然報偶南史僻紹僅又終子道庚印益集生示當墓距處人邑之文無俊
每余然地發在存好鬼得沒重今一未役精殘商太鄭禮存六詢十其
獲父也近於山至神而而藏艾籍氏或傳燬哲著盡今因阨視而先人傳
鳳曾余天於山中斯且其仿盛洲矣雖不盡欲而先傳家之集函可太
崑出祖尺前互之古集呵邪相而鳴堂未可察盡而先傳家之集函可太
公門與五清互之古集呵邪相而鳴堂未可察盡而先傳家之集函可太
隻下艾蓋之古集呵邪相而鳴堂未可察盡而先傳家之集函可太
字親祖隱葉荒明則立呼雖未可察盡而先傳家之集函可太
短視江宋氏洪武公若鳳子人知其此重舍凡刊致行相得史誠余
口盛西艾氏洪武公若鳳子人知其此重舍凡刊致行相得史誠余
無跡先兩竟以萬序在崑太史敏幽足若贊山一夫辭者乎可必志以
不嘗為後公科歷余太史敏幽足若贊山一夫辭者乎可必志以
願為入其名間余太史敏幽足若贊山一夫辭者乎可必志以
書余對科顯始於開盍幽足若贊山一夫辭者乎可必志以
萬之本居第城羣下化昔然吳山一夫辭者乎可必志以
誦甚詳南英兩接昔然吳山一夫辭者乎可必志以
徧余兩接昔然吳山一夫辭者乎可必志以
丙生姓踵而學川一夫辭者乎可必志以
辰也姓踵而學川一夫辭者乎可必志以
冬晚積而學川一夫辭者乎可必志以
季恨德起題麗邑代文出昌英宮賢
艾不累然後知文出昌英宮賢
君得功或知文出昌英宮賢
相登或知文出昌英宮賢
堂其富地或靈

都勻縣志稿卷二十 藝文外篇上 十三

省等運相孫神者也洲所急微清絕每數謫憲也興國本之文先先生優溫
門身臻先子所也属五恒功言高學暇百居序而起之慨作全先生游厚
從著盛後欲忌是序世言退奧宗子執年時黔心附光焉乃帙獨陳福明歲和
陳述麻自視故烏於孫此以發時繩問述人疆喜其相贈湮先清早養卓
衡當峽鄒先古能余堂言所前海繩難罔移萬願次堂又沒生張達氣然
山時艾忠世今已余堂言所前海繩難罔移萬願次堂又沒生張達氣然
先已鳳介遺文於以以之學人內十尚傳漢至先開家也藏余峽癸氏側
生甚崑謫澤人言衡是所私所未發於處史據所更為文皇一而主光
得典太居不多可窮叙先久佚於卓樂遂不於以易所蓋入默者契厚乎
艾貴史講得少鄉達崖固付卓樂遂不於以易所蓋入默者契厚乎
氏乃本遠之達矣仰而鍾淑相人敦促之介也所機不故詮戲遠是紹
文咸其近之達矣仰而鍾淑相人敦促之介也所機不故詮戲遠是紹
鈔豐苗承士雲集更平論矣又古厄雲於麻火峽播昆越鄰散文雖有
介苗承士雲集更平論矣又古厄雲於麻火峽播昆越鄰散文雖有
諸亂忠雲集更平論矣又古厄雲於麻火峽播昆越鄰散文雖有
太燬介集更平論矣又古厄雲於麻火峽播昆越鄰散文雖有
嗣火絕景從論矣又古厄雲於麻火峽播昆越鄰散文雖有
將獲講蠻矣又古厄雲於麻火峽播昆越鄰散文雖有
付刊授花矣又古厄雲於麻火峽播昆越鄰散文雖有
梓行滇犵黔草亦之猶風一忠介變之有君仿感韓矣在
屬誠亦之猶風一忠介變之有君仿感韓矣在
叙憾亦之猶風一忠介變之有君仿感韓矣在
於事忠介變之有君仿感韓矣在
余友介變之有君仿感韓矣在
因萬之有君仿感韓矣在
之君仿感韓矣在
有仿感韓矣在
感韓矣在
矣在

鈔數十篇示余余誦讀如鈞天廣樂耳目爲之一新因繫節嘆曰期文之未喪豈非
天乎觀其文章已可想見其爲人並稱宋艾二公乃今鳳嶺公獨配享美而有
彰莫爲之矣雖盛而傳鳳士大夫之文宗既久而彌彰也余竊感緒而作此
而仿洲相堂諸君以盛德之後必有幽潛德久而彌彰也余竊感緒而作此
在亂離不計艾君如不合乞歸以余見先達又熊繼飛序邑先正得我心感而作此
翰詩院侍講其餘當時執政非不慊仕進而講學黔見院中著述其可傳不在詩
文陽文特講其餘當時執政非不慊仕進而講學黔見院中著述其可傳不在詩
祠致祭所亭高青德風當先生稟請撫院飭州廣公歿後致政於廬墓三年與子貢
古事孔子等見院中飛以供諸先生親炙於公時並詳著焉春秋好仲年七月負笈又必率肄業
報祭之視范文正公恨於嚴先生復其徒以祭者又過公之始知穆然未遠亟欲崇
倡修述私淑之遂公此高山二景碑以思顧三十年因不果去甲寅夏復歸而公諸世
孫仿洲五世孫相堂乃從貴陽陳衡山先生處得公屬及先世詩文若千篇已付割一
將告成竊用幸慰而仿洲所言第夙堂以公世承家學之忱云
弗替而又有感也即書此相夙堂以公世承家學之忱云
謝廷薰字自山學正時及麻哈艾茂續人纂州志十卷

節婦袁陳氏傳

節婦陳氏都勻明陳給諫尙象孫女尙象師南皋尋鶴樓遺跡以上達陽明良知之

都勻縣志稿卷二十 藝文外篇上 十四

學居垣省中讜論每爲上雅重後以言儲事放還清風隨車明月載道江念所稱其
有凌霄亮節不負所學尙象沒子時康襲指揮時揚及孫朝仰等俱爲郡諸生世守
尙象業獨山袁肇鼎往而講習於其堂時州庠未設借遊都勻泮試前茅食廩餼氏
因歸焉氏承家法幼端謹閨房竟日不擅出肇鼎家蕭條氏舉案相莊躬操井臼晏
如也肇鼎病易簣氏年二十六孤子中吉未離襁褓室如懸磬其迫於饑而瀕於死
者屢矣未幾有富俠倩妁謀娶之老嫗曰少婦少避窮氏曰未亡人有夫之遺孤在
何忍就食於人遂矢死靡他持門戶悉憑紡織撫中吉成立中吉卒又撫孫萃成立
壽八十八終葬州北較場旁昔者宋共姬嫠居之三十四年宅夜火左右曰夫人少
避火共姬曰婦人之義傅母不在宵不下堂左右又曰夫人少避火共姬曰婦人之
義保母不在宵不下堂夫子作麟經深慨春秋之世人心陷溺群然奔走於功利之
途而守禮死義乃獨見於待姆之嫠婦是以表姬爲婦中伯夷大書特書欲使天下
萬世咸知一步履之細猶不敢失足於造次顛沛之頃蓋古人之敬身大類如此今
氏詩禮家貧婦耳自肇鼎沒後其窮未必不猶之共姬火也然共姬不以火而亂步
氏不以窮而改操易曰恆其德貞氏與共姬恆之矣康熙甲戌署州牧朱前詔旌曰

節比松筠又二十五年沈文宗翼機旌曰永貞苦節嗚呼人而無恒過氏之墓門而穆然生感以視共姬當日何如哉

曾燠字賓谷南城人嘉慶間巡撫貴州所著有賞雨茅屋集江西詩徵駢體正宗等書

貴陽府新建尹公祠記

鄉先生之名昉於三代生師表於鄉歿必祭之於社於以崇先哲樹風聲典甚盛也黔南為古荒服文教之興肇於東漢荊州刺史尹公公諱珍字道真牂柯郡人弱冠志學以生於荒裔為恨負笈走中原從許公慎應公奉學學成還鄉里教授黔人知經術從公始所謂鄉先生歿而可祭於社者非歟余嘗曠覽前古凡遐陬僻壤天生一人於聲教未通之先為斯民開聳聵而其人必卓然特立能自得師三吳為後世人文淵藪而吾道之南實自子游從孔子始陳良楚產北學中國孟子稱之吳楚封建所及贄幣通而言語達尙賴千里尋師之益况黔在東漢時未入版圖不有豪傑之士先覺覺後將椎髻卉衣之流何自聞斯道耶則公之大有造於黔人而黔人之宜私淑焉為何如也嘉慶乙亥余奉朝命來撫是邦下車觀風其人彬彬其文郁郁與中州無異良由國家久道化成無遠弗屆而黔人竟不囿於俗皆能志公之志都勻縣志稿卷二十

藝文外篇上

十五

以仰承聖天子之教思於無窮余甚樂焉乃訪之守令公未有專祠因命通省書院各設木主春秋祀之貴陽貴山書院之東偏舊有屋三楹在王陽明先生祠後稍加修葺敬以奉公公固宜與陽明先生千載一堂是為記嘉慶二十年八月

莫與儔國史館撰傳莫與儔字猶人貴州獨山人好買無微之田貧人鬻產賦

久輒逃亡與儔責賦富人而貫其隱郡守河有寧遠子稅所橫徵與儔民得裁去木裏喇嗎左所經山產銀銅守河民之求請布政司符縣開鑛與儔儔規知力持不可上實游是堂所據彼勤至則礦山者果在開廠聚眾擾夷境且瞻與儔貌又聆溫幼遮道多羅垂涕者入治行卓異以供行有餽與儔待又懸諸禁比還老幼遮道多羅垂涕者入治行卓異以供行有餽與儔物又終養後改遵義府教授祠漢三朝宮左卓異以供行有餽與儔六經宗服鄭百行法朱程之勝創以樹漢三朝宮左卓異以供行有餽與儔書閻氏趨陳氏禮江氏視義利之明未嘗隔宿不言其用諸學如莫與儔正趨向趨陳氏禮江氏視義利之明未嘗隔宿不言其用諸學如莫與儔師受業言舍而求諸事而思其用則讀一卷卒官有七卷自益來言都勻地人爭就率自五代後始有據依與儔卷文雜稿四卷門人鄭珍以地友理考許鄭之者南近說四卷仁本韻二卷詩文雜稿四卷門人鄭珍以地友理考許鄭之學珍別有傳友芝初傳外大臣密薦學問之士詔徵人友芝其知縣且選官勸出樂棄去同治初芝承先訓會漢宋一接和蒼中故訓介然有興一起著所由說詩文及不就錄之說先通會貴州置省以來建二卷卒以文有興一起著所由說詩文謝金就友錄之說先通會貴州置省以來建二卷卒以文有興一起著所由說詩文省采黔人詩歌斷自明代成黔詩紀畧三卷卒以文有興一起著所由說詩文

既攷定今獨山江為漢志毋斂剛水今獨山州即漢毋斂縣地于漢晉得兩先賢焉

毋斂先賢攷

者為 孰吏 恩以 多信 寡行 未於 易遽 定而 也余 為授 表儒 章術 一興 二於 士偏 之陬 孤校 行其 而所 憂得 無與 和夫 者同 可年 自生 壯之 也炳 炳

都勻縣志稿卷二十

藝文外篇上

十六

雪而 羅拜 謝至 則君 礦山 幸者 果我 居在 世其 經不 堂右 忘其 行衆 嚴兵 令以 待土 既瞻 君境 戶貌 率又 錢盼 溫語 乃皆 解

曰尹公道眞謝公茂理因摭舊文攷證如左晉毋斂即漢縣未有分併故華陽國志于此縣猶云有剛水也

漢尹公 華陽國志士女目錄文學荊州刺史尹珍字道眞毋斂人又南中志明章之士毋斂人尹珍字道眞以生遐裔未漸庠序乃遠從汝南許叔重授五經又師事應世叔學圖緯通三才還以教授於是南域始有學焉珍以經術選用歷尙書丞郎荊州刺史而世叔爲司隸校尉師生並顯後漢書西南夷傳桓帝時郡人尹珍自以生於荒裔不知禮義乃從汝南許慎應奉受經書圖緯學成還鄉里教授於是南域始有學焉珍官至荊州刺史按常志明章恐有誤後漢書應奉傳奉曾祖和帝時爲河南尹已在章帝後奉以桓帝延熹中破武陵蠻功薦爲司隸校尉常氏言荊州刺史司隸校尉師生並顯可知桓帝時爲是且范書必據常志若本是明章無由作桓帝前後差誤八十餘年也又攷許叔重說文解字敍言其著書之始云粵在永元困敦之年乃漢和帝十二年又二十二年爲建光元年叔重病子冲上其書乃安帝即位之十五年是叔重卒於安帝時下距桓帝尙中隔順冲質三帝二十餘年道眞從叔重受學必在安帝以前疑常志明章指從叔重受五經之始范書桓帝指司隸刺都勻縣志稿卷二十

稱焉患學不力耳誰爲後來者聞尹公之風亦可以興起哉禹盧文稿南中學派
明書逮莫貞定詳考牂柯郡縣又博綜史爲毋歛先賢考而道真之時地始較然
後猶有可言者常范叙均先許後應興校重側陋宜爲道真北學之始道真序竊
意永興元年世叔自生於荒裔不知禮義與常志以生序裔未漸序於桓帝之
多省改其稱道真蓋固以前此道化所耻亦橫宮之說元鼎置郡於爾如蔚
殊凡二以百六十餘年蓋固已久非矣一適有興道感戀師恩相將北去或
宗書直猶以洪荒未啓淺視南中爲便矣適有興道感戀師恩相將北去或
皆籍授汝南再出請益鄰縣並世然晉接自必互通此數年門實有絲迹可尋蓋許
本或並事許應或世世叔再出參馮留侍叔重皆中其書武陵又當復聞前二復據
因著說文在熹五年帝十二年而斷叔重卒安帝世別無明均意從中事貞定以
誤能遠論千道真北學中果大孺恐亦未安矣博學經籍童融年常推
便之章帝建初四年叔重安得前此授經邪黔中業多熹九年得官文成之於
生當章帝建初四年叔重安得前此授經邪黔中業多熹九年得官文成之於
會垣鄒忠介之於都勻雖居遠千五百人前雖憑藉較優而成就較不易即
黔省鎮遠以東之地都勻雖居遠千五百人前雖憑藉較優而成就較不易即
無道真猶當尸祝中案者一商榷也
推究願與言黔中案者一商榷也

晉謝公 華陽國志士女目錄忠義冠軍將軍寧州刺史謝恕字茂理毋斂人又後

都勻縣志稿卷二十 藝文外篇上 十八

賢志侯馥傳王遜議欲遷牂柯太守謝恕爲涪陵太守出屯巴郡之把口表馥爲江
陽太守住江陽之泚源撫郵蠻獠克復江陵馥招夷獠繕舟艦爲進取計預白遜請
軍移恕俱出涪陵又南中志永昌元年晉用南陽尹奉爲甯州刺史南夷教尉威刑
緩鈍政治不理咸和八年遂爲李雄弟壽所破獲南中盡爲雄有唯牂柯謝恕不爲
雄所用遂保郡獨爲晉本書李志云八年奉舉州委質牂柯太守謝恕舉郡爲晉官至撫夷中郎將甯州刺史冠
軍當脫將軍二字晉書載記李壽遣其鎮東大將軍李奕征牂柯太守謝恕保城拒守者積
日不拔會奕糧盡引還按貴州通志恕永昌元年爲牂柯太守時尹奉爲李壽所破
又云官至忠義冠軍將軍並誤常志書尹奉爲壽所破獲牂柯謝恕不爲壽用在咸
和八年其前書永昌元年謂尹奉刺甯州之年也且侯馥傳言王遜議遷牂柯太守
謝恕爲涪陵是孟才既逐遜即以恕守牂柯既又遷之涪陵皆在永昌前也恕在咸
和仍爲牂柯者意恕遷涪陵後牂柯旋爲雷炤董壩等破以降李雄而守牂柯之文
猛又爲雄執故仍以恕爲之也至忠義二字乃常志人物品目如文學政事之比其
官名止冠軍將軍通志此傳亦悉據爲之讀未審遂致乖錯

莊躑考

楚將莊躡將軍循江上畧巴黔中以西降夜郎定滇池以屬楚今貴州黎平鎮遠思州銅仁諸府有漢武陵郡鐔成無陽辰陽諸縣地即有秦楚黔中地思南一府有漢巴郡涪陵縣地即有秦楚巴地然則諸府倚西州縣以西餘府即皆其兵威所屬間摭其事考而一之

史記西南夷傳楚威王時使將軍莊躡將兵循江上畧巴蜀黔中以西莊躡者故楚莊王苗裔也躡至滇池地方三百里旁平地饒數千里以兵威定屬楚欲歸報會秦擊奪楚巴黔中郡道塞不通因還以其衆王滇變服從其俗長之漢書同後漢書西南夷傳楚頃襄王時遣將莊豪從沅水伐夜郎軍至且蘭椽船於岸而步戰既滅夜郎因留王滇池以且蘭有椽船牂柯處乃改其名爲牂柯通典邊防三史漢皆云楚威王時使莊躡畧巴黔以西躡至滇池欲歸會秦奪楚巴黔中因以其衆王滇後十餘歲秦滅楚自威王後懷王立三十年至頃襄王之二十二年秦昭襄王遣兵攻楚取巫黔中後漢史則云頃襄王時莊豪王滇豪即躡也若躡自威王時將兵畧地屬秦陷巫黔中道塞不通凡經五十二年豈得如此淹久或恐史記謬誤班生因習便書范氏所記詳考爲正又躡王滇後十五年頃襄王卒考烈王二十五年幽王十年

都勻縣志稿卷二十

藝文外篇上

十九

王負芻五年而楚滅後十五年秦亡凡七十年何故云躡王滇後十餘歲而秦亡也太平寰宇記文獻通考皆襲其說今按秦昭襄王三十年蜀守若伐楚取巫郡及江南爲黔中郡見史記秦本紀又六國表楚頃襄王二十二年秦拔我巫黔中郡並當周赧王三十八年杜氏以史漢威王時爲非後書頃襄王時爲正說是漢書注引華陽國志亦云頃襄王時今本仍作威王則亦誤本也荀子議兵篇齊之田單楚之莊躡秦之衛鞅燕之繆蟻是皆世俗之所謂善用兵者也是其巧拙強弱未有以相君者也若其道一也又云楚兵殆於垂沙唐蔑死莊躡起楚分爲三四是豈無堅甲利兵也其所以統之者非其道故也楊倞注引史記索隱曰莊躡楚將言其起爲亂後楚遂分爲四又引韓子曰楚王欲伐越杜子曰臣患能見百步而不見其睫王之兵敗於秦晉莊躡爲盜境內吏不能禁而欲伐越此智之如目也躡初爲盜後爲楚將楊氏所引在韓非喻老篇云欲伐越者楚莊王商子弱民篇唐蔑死於垂沙沙聲相近莊躡發於內楚分爲五垂涉之事商鞅死已久當是後入襲荀子攬入書中韓詩外傳四楚兵殆於垂沙唐子死莊躡起楚分爲三四元作方爲二四今改史記補禮書楚兵殆於垂沙唐味蔑味音同死莊躡起楚分而爲四參三書之文畧與荀同皆言唐蔑死莊躡起而楚地分考史記楚世家

及六國表秦與齊韓共攻楚殺楚將唐昧取重邱而去在楚懷王二十八年二十九年秦取楚襄城三十年懷王入秦秦取楚八城頃襄王元年秦取楚析及十五城楚分爲三四即謂此是莊躑伐夜郎取滇當以後書頃襄王時爲確之明證也至韓非謂楚莊王欲伐越而杜子舉莊躑爲盜境內以止之莊懷之譌也莊王稱霸事具春秋傳及史記安有喪地秦晉之事唯懷王十七年與秦戰丹陽秦大敗我軍斬甲士八萬虜我大將軍裨將軍七十餘人遂取漢中之郡懷王乃悉國兵復襲秦戰於藍田大敗楚軍韓魏聞楚之困乃南襲楚至於鄧楚聞乃引兵歸二十年昭睢又有王雖取地於越不足以刷恥之語在史記楚世家可見欲伐越而言喪地於秦晉即指十七年事其爲懷王之誤無疑也蓋躑在懷王時爲盜至頃襄時起而爲將故楊倞曰躑初爲盜後爲楚將也躑之略地南中確年無可見意只在頃襄二十年前後三代用兵未有淹久至三四年外者特無徵未敢定耳而困學紀聞引賈生弔屈原曰謂躑廉注楚之大盜曰莊躑又引韓非語謂躑蓋在莊王時莊王苗裔王滇又一躑名氏與盜同此特就史記韓非爲說未加鉤稽殊難取信又考呂氏春秋介立篇云莊躑之暴郢也注莊躑楚成王之大盜又異用篇跖與企足得飴以開閉取楫也都勻縣志稿卷二十

注跖盜跖企足莊躑也皆大盜人名也以飴取人楫牡開人府藏竊人財物也高誘獨以躑爲成王時與諸家異蓋用史記威王時轉寫譌成耳故淮南子主術訓明分以示之則蹠躑之姦止注云躑莊躑楚威王之將軍能爲大盜仍作威王可證也至後書之豪呂覽之企足與諸書之躑雖頗歧出實無三人豪躑音近企足近躑之切音且後書本篇復有滇王莊躑之後之語呂氏介立亦仍書作躑而郭青螺莊躑考以王滇之躑爲非盜謂遷固旣譌頃襄爲威王又惡知不譌豪爲躑當從范氏莊豪爲正馬氏豪即躑之說爲非此特以正德間雲南欲祠躑因謂躑跖廉兮李奇注躑楚之大盜故不果思曲爲之護不足辨也范書謂滅夜郎華陽國志謂降夜郎降者是滅則安有漢孰與大者哉班馬泝江定滇范氏泝沅克夜郎常亦同范道可兼通事堪並舉更無他證所當兩存也至杜氏謂史漢云躑王滇後十餘歲秦滅且爲之算年以質其誤考史漢言躑王滇繼言秦時通五尺道於此國置吏十餘歲秦滅十餘歲謂通道置吏至秦亡之年非謂王滇至秦亡之年杜氏檢核偶未審樂氏馬氏亦因習便書疏矣

君諱嘉能字崇級姓莫氏上世世居江南江甯府上元縣明宏治時某官諱先者從征貴州都勻苗下數十寨事定置府因留守家城西二里沙平生廷美廷美生尙文即君曾祖並世武功祖諱如爵字君顯官至遊擊將軍考諱雲衢字汝公值國初兵燹又避繼母孛虐走賈廣西慶遠府得勝鎮居室育子女孛卒乃歸君兄弟始遷居獨山州北三十五里兔場上街性抗直通達事理語侃侃不阿鄉里糾紛不決得一二言輒解士林宿望有疑鉅亦必詣定可否每曰吾輩徒讀書竭數人十日心力不如一詣崇級翁爲鄉約數年鄉人漸無訟蓋訟者必告鄉約事首尾乃呈官告直則曰固爾恐官不我若且隙何所抵此奈何牙門又非空手往直爾能償否不可則曰理訟之宜曷稍俟乃私謂將被訟者若與某某事亦過矣則爲講鄉黨媿睦任卹之道或利害曉之必唯唯則謂欲訟者若已知過即在此亦不可已乎一見而訟罷如是非一里中不平不復言訟唯相率造君問爲所不許則大恥莠行易轍甚衆有他里點謂里人若某某事訟當大伸俯首帖耳受愚莫翁所不解曰我始亦謂然既觀某里某事與爾言等訟決歲計雖直費不貲某里某事亦爾言等訟決亦歲計豈惟不直又取杖焉故他里破家者踵接不必其訟屈也我里非多素封而皆足自存則都勻縣志稿卷二十

藝文外篇上

二十一

唯不輕訟又何受愚之云點唯唯退既而曰吾儕乃真愚耳里中火君足疾舁臥道旁指搗呼救州官過怒其不起鞭之三君曰吾以是可益人也故不辭而辱至此遂請去鄉約籍閉門謝人事里訟風滋起老成者爭請復君鄉約官劄屢下不應曰吾爲國家作好百姓足矣可再辱耶官尋以請者堅又悔鞭過入府時道家謝君曰是不可已矣部民過抗地方官恐禍不測乃復爲鄉約稀訟如故諸子入學二乃許退君不多識字而好讀書人數百里延名師萃族人子弟鄉之秀共諸子學聞師言某也勤幼果餌長紙筆示獎勵里中始知務讀書諸子皆以文學名庠序里之文教實啓於君八十無疾正衣冠端坐逝子四剛附學生燦元歲貢生強附學生孫九與參與衡恩貢生與倫與粹與類與群與純與班與儔己未進士改庶常復改四川鹽源知縣君四十時星者言君造當入翰林慨未讀書耳迨與儔貴賤贈君文林郎翰林院庶吉士豈其驗歟

莫友芝

黔詩紀畧後編傳先生字子偁一字鄭珍君子同志講學博通綜貫當世

稱爲鄭莫子尹專精三禮小學著述皆有專書門書肆識名家子尹上春官不第以校官株守鄉里子偁與當代鉅人遊於都門書肆識名家子尹上春官

壽陽祁相國亦折節倡和遊道甚廣山右何願船粵西王儕鶴楚北張濂卿王子壽皆上下議論子尹爲一世通人晚歲足不出窮山海內知有鄭君者子偁力也

世忤勉其和同俛仰以求取容切偲道廢重蒙箴誠拳懇敢不敬謝然而區區之忱蓄未敢出者亦欲以藉達於左右惟昭察焉遵乘非議始事時即意其難免特不意其出於此耳夫以文獻最闕之鄉挹古一辭動徹數編鈎今一事動稽數月有徵必窮有聞必覈專心致志首尾四年友芝與巢經靡不智盡力竭計無復增始付寫官墨諸梨棗其粗底於成亦倖耳中間遺落舛錯必所常有誰爲後來差易爲力指漏摘瑕待之衆論如彼箴石不益多師邪乃今之非議者了不在是一則曰地方有蠻夷最爲大辱書之者爲故鄙視一則曰祭祀昏器之不中禮何在蔑有何不可獨爲諱而箸之也否則曰某傳或遺其子孫某傳至詳其姻婭軒輊非允如是而止矣夫夷之云者猶是耕田鑿井橫目之民古風時存求野可證非有敗俗亂常窮凶極奸干當世大僂也昔載種別因仍便書即所未審尙爲闕然且夷不夷何常之有孔子作春秋諸侯用夷禮則夷之進於中國則中國之若不求去夷之實而第爲他人諱夫夷之名其亦未達於禮矣禮教不明匪伊朝夕沿違踵失茫不致思前輩若李丹吾諸老篤式古訓卓焉不惑閔茲俗敝大聲疾呼誠將闢荆棘於康莊發聰明於盲聵厥意甚偉所以風俗一篇謹錄其言猶惜未備待諸宥推後生愚蒙不盡祛解而

反以爲病不亦異乎至於人物一門表前哲以樹風聲非徇子孫以私憎愛詳者上溯淵源下及餘慶不能詳者至莫考其字履徒從殘鈔斷記拾一二遺事珍之惟恐脫落而爲其子孫者竟茫乎祖父遺德何以存逮見其名乃沾沾焉議己名之不與亦有祖父若師友聲稱在邦邑欲案名蹟媿行而爲子孫在門下者秘之惟恐人知亦竊竊然繼議其後誠不知所議何等也一人倡之衆人和之以耳爲目舉國若狂不云合圍而劫之家即擬羣聚而毆之市兩書生之雞肋亦安足以當衆拳而客之所爲毋乃近於市井無賴徒使一二者識宥視竊笑豈惟笑之方且哀之而不一自覺悟嗚呼若此者而謂友芝遂以芥蒂其相去幾何哉且夫友芝所以不諧於世則猶有故昔先君之教人也必舉閭徵君六經宗伏鄭百行法程朱之榜以樹依歸老兄及門時當亦所熟聞矣故友芝雖賦性蠢愚猶幸少承先訓若粗有見于讀書明道治古澤躬之要所以同輩講習後生問難罔不敬述所聞竭其一得亦謂人之欲善誰不如我趨庭之學非有異聞云爾無何而平昔之好隱相指目門牆之徒畔而他去朋簪廣坐方洽縱談友芝所至寂焉星散行道相遭頰首若浼猝不及避彊爲寒暄多方抽身如不得已始焉值此以爲偶然所遇既多乃復自省莫得其由竊以

質之不見鄙弃一二故交乃知所以招怪取怨之深也蓋舉世所趨八股八韻自茲而外即爲異端高頭講章房行墨藝枕中鴻寶良莫過斯求其取士經訓略尋句讀宋元儒者粗識姓名已象犀之侶豕鵬鵠之羣雞矣乃猶妄冀其博綜古訓銓斟雅言收放失之解求先聖之眞爲之而難成得之而罔售賞罰之所不增益肄業之所不屑已故即四子五經亦皆謂古人之作此語特備發題取科第博爵祿云爾於吾身心性命非眞有關繫也而乃必引人之身切切然納之以自取拘攣而所汲汲求之科第爵祿反置之身之外可有可無之中不愈鑿柄之不入乎所以來從遊者其眞號求益千不得一二其覬覦干私爲試資者蓋十八九也而接之者方懵懵然彊以所大不欲而其所大欲乃若遏火之結塞煙鬱而不得燄繼且旁箸曲引橫來焯人亦勢之所必然者矣不然友芝之於人也言不敢不下氣不敢不卑不獨同輩然也即生徒來學悉處以友道未嘗稍貌慢之而乃召鬧如是或者遂咎郡乘之役不自韜晦誤爲當事所知而欲籍爲利者又輒見擯於當世指爲致此之繇嗚呼豈其不然邪抑豈其然邪昔者戊戌春官嘗與巢經逆旅對牀閉門賞析未及市月外議沸起厭物之號遍於京師識與不識指目而唾計吾兩人初未嘗一毫敢忤於人惟

都勻縣志稿卷二十

藝文外篇上

一十四

是語言拙訥應對疏野其於伺候權貴奔走要津爲性所不近不能效時賢之所爲耳夫京師羣彥之萃而是非且如是其他又何說焉昔鄭高密集漢經師大成師模九州沾勺萬祀而鄉里邴原獨與異趣口有微詞此自所志不同各行其是程朱講明孔孟後世仰泰山北斗而當時謗伊川者至謂汙下無鄉行市井目爲五鬼之魁而涪陵之擠且出於門人邢恕毀紫陽者指爲僞學從遊依阿輩遂更名他師過門不入而劾其剽竊張程寓以吃菜祀魔之術收召無行義立黨伍如鬼如蜮不忠不孝等十罪者乃即曾以語孟說自售之沈繼祖則尤蜚語橫出不可思議今所直特小小齒舌旣非根柢之各行其志又未至程朱之橫被其誣而遂欲自弃生平苟合流俗恐足下聞之亦必重相責也而尙相勸乎謹守吾素不與世爭風波之興任其自起自息而已獨念伊川尙於故人情厚不敢疑紫陽患來學眞僞難辨黨禁以後謂卻似大開鑪韞使混淆夾雜不須大段比勘而已無遁情今此囂囂不值一噓何用疑故人乃亦若籍分別於鑪韞鍛鍊也者徒撫此人心世道而屢驚也深秋道履如何臨書浩歎不盡道光癸卯九月

附獨山萬氏先德待訪錄叔高祖選士公全

欽曾同知公豫席士公邦和道光乙酉拔貢監學貴山主講獨山紫泉書院亂後事蹟失考惟訓導公全善乾隆甲寅中卷載嫡堂弟全業儒全理全名全策

俱遺文有公在甲寅已受學長或末冠極幼當舞勺矣舊譜載公科名及主講書院
亭何不用致和而不同古有明訓况公寓書亭趣不遵乘一端慮其買禍言也韓范並
肩語多治理也亭甫三十有三高年下規寧免口柄亭以傳聞異詞引四十八年應
壽六矣鄙亭疑上公某燕公適州闔訪強邀入筵公倨不為禮上冠拜以是尊取
族戚不當貧賤又疑公邪今邑人相傳尚稱強邀亭公孫從孫君曾餘適續修
邑志可想見公之嚴謹子仲武公繩孫在江甯聿修亭先生旋得君問大章為適續修
叔之何人謂表叔即公也仲武公刻極似其於公問遺行除一見交世事來書
曾親筆楷寫四五百字古穆與世傳諸家自明年歸道黔茲訪文著稱二故老傳聞
惜無可徵是時坐及微錄先德追痛又於循卓門得傳導公詩文存鄉試中英亦
更陷煨燬罄中盡然乾隆州志甘肅通志又詳傳檢同知兩公詩文存鄉試中英亦
有詩及會試無隻字惟亭亭豈失言者哉因錄以俟知言君子
可畧考而與之失言亭亭豈失言者哉因錄以俟知言君子
可畧考而與之失言亭亭豈失言者哉因錄以俟知言君子

荅鄒叔勸書

丙午九月叔勸名漢勳湖南新化人李元度輯先正事略
列之經學曾纂貴陽安順大定興義四府志以閱博著稱

友芝頓首叔勸鄒君足下黎柏容歸自貴陽持示大箸轉注攷屈子生卒年月攷舍
弟歸又得寶慶志圖說並往來詞翰知足下於本朝三絕學墜緒欲直尋乾嘉老輩
而益精之恨不得即奉身左右發名山藏為一日快友芝向見湘皋虎癡箸述詫絕
為當世所未有而足下兼長之天地生才有數何楚人所得獨贏邪邇以郡乘屈跡
都勻縣志稿卷二十 藝文外篇上 二一十五

來黔所以為小邦光寵甚大所以進退載籍斧藻耆舊如持牛刀割雞如輿薪燎一
毛而江湖舉方舟也顧承殷殷寄詢不肯舍涓泉窅壤以有高深故敢獻愚衷以塵
左右方志重沿革而沿革莫難於貴州貴州沿革莫難於烏江以南貴陽諸府其地
自於越而象郡而牂柯夜郎周秦微有影響漢迄南齊漸得梗概曾于遵志年紀小
引其端下此直至八番順元貴州行省始可觀縷而中間自梁迄宋皆若存若亡卒
不得依據當梁武破牂柯必有析置惜臺城淪陷記法無遺陳西亡巴蜀周又不能
遙制南中於是前代郡縣遂汨沒不可收拾凡茲三朝蓋闕可也隋開牂柯才領二
縣初收故地猶可約略為言唐以趙謝首領所獻建牂刺莊充應矩等州後雖遞降
羈縻而其始則皆下州莊州且經置都督府而隸黔中都督府之諸蠻州六州外尚
四十五意必有若干州參錯其間今按唐書諸蠻傳粗究方里元和郡縣志費夷播
獎等州四至八到窻攷邊隅雖六州大半可求而已有不能備識者至宋而牂充莊
剡盡付化外史傳所及舍馬殷八姓無聞焉蓋隋之郡縣既非承漢晉以來唐之州
郡不盡承隋宋之諸蕃不承於唐地舊置新各自為始所以前載荒略將近千年言
地里者及此未有不智盡能竭掩卷三歎者也謀始之際前貴陽守鄧雲谷先生實

屬友芝主之私計首郡事重他郡非備鳩唐宋以來輿記雜史稗官瑣言通行之集佚藏之編荒壟之斷石土酋之世譜博采精貫未易以彌正史之罅而刷方書之謬又適以遵志招致齒舌念首郡益多持橈見寡力劣辭不敢爲今得足下上博聞強識又無所持橈爲之爬羅疏鬯必有大破積難者鄙意甚不願簡略桑梓嘗欲私爲黔之一書僭廁益部傳襄陽記之列家食累歲蔑由網羅放失舊聞亟望足下書成假矇瞶以視聽也附呈遵義府志廿冊並舍弟所錄唐宋以來小文字可備采者一冊聞柏容言足下頗有槌山警水之興當日開徑以待

上李中堂書

友芝謹上書合肥中堂爵帥鈞座金陵客舍中奉正月二十日手教以鄂中新開文昌書院虛講席以見待又示及征黔將發期友芝早晚趨鄂得諮黔地情形此講席爲鄭重肇端客歲得張薌濤提學書問自顧荒落衰病即以不能勝任答之既於邸鈔中恭讀以中堂督師征黔諭旨慶幸不寐者連夕黔疆糜爛已久朝廷以髮捻回諸逆數道興師不遑兼顧今髮捻賴中堂力征經營以次底定回逆又有他帥專辦乃重以上相乘勝之聲威臨荒陬負固之小醜諸葛之開南中西林之清雲貴其豐

都勻縣志稿卷二十

藝文外篇上

一十六

功偉績旦夕可以復見正月之末即束泝鄂之裝冀及大纛未發趨叩台端稍達區區桑梓致亂委曲怵陳不任講席之私衷而賜書適至遂依輪扁以行行舟無事輒疏鄙見所及贊呈鈞覽黔省自咸豐甲寅楊元保倡亂於省南楊澆喜肆逆於省北雖不久即就殲除而苗匪教匪土匪所在蜂起三數年間通十二府一直隸州其城守未失僅貴陽遵義安順黎平思州五府其廳州縣四十餘亦稱是其民則逃亡轉徙百里無煙其官則遙領虛署十無一實兵饟兩空寸籌莫展待斃而已近歲以來稍得川湖兩鄰省助其援勦西北東北諸府漸有起色惟東南一邊未能得手蓋西北東北滋擾多係教匪土匪本由烏合盛聚衰散差易爲力至東南之台拱清江都江下江丹江五廳爲百年前鄂文端公部署張廣泗哈元生所開置其地界在都勻鎮遠黎平三府之間即分轄于三府今皆盡爲苗據其都鎮府衛城及附近之八寨平越麻哈黃平清平施秉等廳州縣七八城苗概拆毀耕成田地重山複嶺中縱橫盤踞七八百里安居樂業以抗官兵往往失利先是五廳之中有革夷一種與九股生苗相鄰比常四出剽略恣其荼毒莫敢誰何胡文忠公守黎平鎮遠時力籌剿捕暫爲斂跡而惡黨伏覘未能盡除逮楊逆既平撫貴者粉節肅清不肯因乘勝

師旅拔其根株一二年間遂蔓延不可究詰今黔人士餘殘喘者未嘗不歎惜痛恨黔撫之害人家國也邇來跳梁阻險抗官兵者仍是革夷九股爲亂首抑更分出多股以相雄長俱不可知稍幸苗性別無遠圖僅以拓產劫財盡其能事若得痛剿一番乘其驟不及防奪其險要搗其巢穴殲虜一二最著頭目使羣苗無端驚畏疑我師自天而下則破竹之勢成矣昔聞有夷目九松頗饒勇智韓撫軍超以清江通判提兵力與之角以爲好將才恨不能招而用之今不知存否又不知其黨中如九松比尙幾人則皆勁敵也夫制勝在兵聚兵在饒向惟饒無所出遂以無兵今中堂兼督數省且得分兩江之儲以爲接濟饒源裕而兵力厚矣惟黔地層峯疊箐絕澗危崖鳥道盤迴崎嶇萬狀非得生長荒山習矯捷如猿鳥之不可羈勒即不能深入險阻以爭奇而決勝故堪斯選者莫如調正算屯兵及募上湖南三廳之人次則辰沅寶慶諸府山居之人在昔淮湘勝軍極有法度但得三分之一因以教練新軍取張聲勢而已又稱此兵以求堪將之將勁兵驍將一力一心自然投之所向無不如意兵將既定其轉饒軍械當于湖南常德府設總臺以收兩省之運乃換麻陽船派上辰沅兩府以達貴州之鎮遠自武昌府至常德有兩道一自岳州過洞庭湖其運速亦略相等若岳路得順風又便捷多矣自常德上辰沅即皆石河惟麻陽船

都勻縣志稿卷二十

藝文外篇上

二十七

櫟底堅韌弄舟者能用苦力時有至荆岳者然不多而皆會萃於常德其食米當師行時且就常辰沅境節次近買若進剿以後更可因求鎮遠黃平平越一帶積儲之便貴州各府皆食稻不待外求特

亂後荒廢有無難料待臨機規畫耳自常德至鎮遠是通雲貴驛道陸路十六驛水路亦相附近下水則水陸皆可行爲日亦略相等

等水稍盛則水路尤較速其上水則重灘險牽輓迂遲或資重水行而入就陸蓋沅水兩大源皆自貴州出鎮遠河出平越黃平境下沅州者古之無水其北源也蓋五廳皆在其南又南即大嶺接黎平境古所謂鐔城嶺者此水又下經靖州會寧縣境至沅州之黔陽縣與鎮遠河會平時此水亦可行舟自黔陽下流數十里之洪江顧載上至都勻府城外惟溪湍淺狹所容之船又小於鎮遠河船此道現可不一問若得手深入當有籍資轉運故附記既兵精糧足以議進取或盡銳以壓之或分道以逼之有隙即

乘有情必擊出奇無窮必中要害至於悍者奪氣黠者輸心不出數月而橫互七八百里之苗疆不勞多殺皆可撫而定也特苗性狡詐每官兵初至常示弱以誘其深入前後皆伏悍苗以迎敵而斷歸路故兵單者不可輕進若前茅後勁節節靈通彼亦無能爲也其長技在劫營其利器在鳥槍蓋其聚落多依巖傍穴不履不冠脚板如鐵走嶽崎若坦道其鳥槍挾於腋下四面俛仰隨所指發以擊飛走無不中其精妙殆有過索倫吉林馬射者亦在臨事善爲之防而已凡夷俗生子羣以精鍊爲賀積二三百觔鍊至二三十觔

以成一槍幼弄長習行立坐臥無輒離故能專精如此其槍子用鍊沙如豌豆惟身著輓甲者常不能入輓甲者以頭髮十之七八絲綿十之二三裝小襖褲其鍊子

中髮必融每每能緩其力故尚不及營槍鉛子之利黔省其餘教匪猶竊發未靖者用兵凡將領必有輟甲一稱雖盛夏不脫亦時可禦營槍或即飭川師專剿而我分兵爲之救應或我兵川兵分道搜剿但苗匪之大憝既除去此零瑣惡孽直如以石投卵以湯沃雪而不盪滌盡淨未之有也平定之後善後切要更有數端曰修城池以資治守凡城爲苗毀必繕完曰儲吏才以資委任新復苗疆馭點夷招流民並需有守有爲之吏恐曰因閒田以置屯衛收復之地或有造逆遺產黔省需次人不足冀行募中預儲此才或逃徙無主荒田似可增置一二屯衛養府兵以資扞禦又苗疆既復流官其羣苗中必有素爲種人畏服者恐其別生事端即增設爲一二武職土官使充其選即以苗中此項閒田充其俸料亦以夷治夷之一道曰表殉義以彰忠節黔自甲寅軍興迄今十有七年其死事之焉罕聞即如友芝胞姪候選訓導遠猷姪孫秋薇咸豐庚申秋毛賊石大開股陷獨山城遠猷秋薇同巷戰死遠猷孀婦池氏亦被害屢以書言之故鄉當事皆漫置之若在兩江忠義有局凡扞賊身雖殉走卒村婦亦得甄錄上聞寔教忠敦俗一大端而黔官吏皆忽視不講未必非政教之缺也 伏冀裁察爲幸二月十九日

影山草堂本末

都勻縣志稿卷二十

藝文篇外上

二十八

獨山州北三十五里兔場上街友芝先人之廬在焉廬後二十步曰影山草堂故幼稚授經所也負竹結茅面升旭竹衡據南北鄰可三百步左林右池小圃介林池閒右迤如磬折堂之前有市市之外有田有山山之外曰翁奇河皆隔於廬不相聞堂之後有田有池有圃接於山麓山之下有伏谿距池南四百步井窺沸然又南五百步穴出東會翁奇河又皆隔於竹不相聞值衝風迴旋筱簞開闔山態乃隱約在西北端因誦元暉竹外山猶影之句請以影山榜堂先君笑領曰可於時友芝方七歲大母張太孺人逾六年友芝始生是爲嘉慶十六年周三歲能識字先君授之毛詩尙書儀禮戴記時先伯兄總家政先四兄課耕牧先三兄補諸生課治舉業先君有不暇則三兄授之皆卒業於此堂先大母年逾八十猶康強常常扶杖哀果餌來誘孫讀先母李太孺人每饜餘率諸婦紡織常於堂南理經入箴朝講圃政井界而課功風雨無閒蔬有菘芋薑葵芹苳莧薤瓜蓏蔓豆果有黎柿桃李梅杏胡桃羊棗森林禽枸枳花有蘭菊海棠玉簪繡毬山茶木槿月季玫瑰草有芸莎蕭蓄馬蘭牛舌白

蘇酸漿車前商陸蔓有山藥地瓜甘藷野葛秧蕨蒲萄牽牛木有桑柘松杉楓椿梓
櫟女貞海椶怪石磊砢聚於南榮老柏矢矯竦出爨室南屋山而冪之直堂東南昔
結屋才高三丈許先君不忍伐命闕椽讓之友芝讀書時已干霄合抱矣時果既熟
三四兩兄數數上樹手摘以奉老人友芝上四五尺輒墜羣以爲笑春筍怒茁穿階
礙道率諸弟妹就茁密許覆稻皮煨以熟摘劈剝獻甘還就林下分啖先大母先母
屢呵其頑不悛而所煨處來歲筍仍盛歲戊寅三月先大母弃養先君畢喪將北征
辛巳三月先三兄又逝先君因改校職道光三年冬得遵義府教授先母率友芝等
隨侍往二十一年七月先君卒官明年春先母又卒力不能歸葬遂厝於遵義友
芝諸弟依墓僑居兩兄諸子守獨山故園先君居遵義凡十九年友芝及六弟庭芝
一歲間歲必歸視兄數於此堂督課羣子姓先君既沒庭芝瑤芝生芝祥芝諸弟猶
以學使者試再三往生芝入學尋夭友芝則唯咸豐三年癸丑伯兄之喪一至焉於
是堂空竹實瑟瑟鮮生意明年二月豐甯下司齋匪楊元保起圍獨山城其秋餘黨
復亂芒場而遵義亦有楊鳳之亂明年上江齋匪八寨苗匪相繼竊發都勻獨山岌
岌伯兄子大猷三兄子遠猷整厲社團扼州北路賊來輒大創去八月悉號召同惡
都勻縣志稿卷二十

藝文外篇上

二十一

驍健攻兇場吾家先被焚堂燼焉影山萬竹斬掘無遺枿大猷遠猷問道踉蹌趨城
入保先四兄奔波病卒逾一年始得凶問道不通又將二年友芝乃以截取走京師
畱二年謁選試春官無所得歲庚申七月出都而粵賊石達開遂以是時陷獨山城
遠猷及其子秋闡巷戰死遠猷之母池苦節撫之四十年亦遇害大猷奉其母陳避
邨落間陳又焚死友芝乃流轉鄂皖間庭芝硯食永甯瑤芝枯守碧雲僑屋祥芝絆
皖縣蹶未即振同治元年冬兒子彝孫避遵義亂來皖乃得確悉家中存沒而反之
日月生存所居業猶不能覩縷也嗚呼一家之於一鄉微矣一堂之於一家又微矣
而吾生五十三年上下四朝五世所歷聚散死生鄉里之興廢紛不可紀而此堂與
之終始今雖鞠爲焦土而先世以來經術流衍循良之規師儒之澤干城國殤之毅
烈下至婦人女子亦明決蹈義有死無隕溯其引掖造就一皆出於此堂友芝昔者
久僑暫居必寓斯名以存先澤鄭子尹學博曾圖畫爲遠行之贈今又閱六年乃隳
括始末記於左方同治二年冬十月

蜀漢庾隆都督列傳

漢武開西南夷爲郡縣設益州牧以統之至後漢建安十九年劉先主定蜀以南中

諸郡土地廣遠州牧在蜀不易控制乃分立庾隆都督庾隆即朱提郡本犍爲南部
建武後省爲犍爲屬國裴松之曰庾隆訊之蜀人云去蜀二千餘里時未有寧州號
南中立此職以統攝之遂以鄧方爲都督方字孔山南郡人也以荊州從事隨先主
入蜀蜀既定爲犍爲屬國都尉因易郡名爲朱提太守選爲安遠將軍遂爲都督住
南昌縣南昌縣晉猶有安鄧城遠陳壽以失其行事不爲立傳楊戲補臣贊贊鄧孔
山曰安遠強志允休允烈輕財果壯當難不惑以少禦多殊方保業華陽國志曰鄧
方治南昌夷漢敬其威信其爲人亦可概見矣章武元年卒楊戲傳注作二年此據華陽志李恢代
之恢字德昂建寧僉元人先任郡督郵太守董和復貢恢於州未至聞先主攻劉璋
知必成乃託名郡使北詣先主遇於綿竹先主嘉之成都既定先主領益州牧以爲
功曹佐書主簿更遷別駕從事鄧方卒先主問恢誰可代者恢對曰人之才能各有
短長故孔子曰其使人也器之且夫明主在上則臣下盡情是以先零之役趙充國
有言莫若老臣臣竊不自揆惟陛下察之先主笑曰孤之本意亦已在卿矣遂以恢
爲庾隆都督使持節領交州刺史住平夷縣先主薨高定恣睢於越嶲雍闓跋扈於
建寧朱褒反叛於牂柯丞相亮南征先由越嶲而恢案道向建寧諸縣大相糾合圍
都勻縣志稿卷二十

討汶山郡叛羌十一年南夷豪劉胄反擾亂諸郡以忠代張翼庾降都督斬胄平南
土加忠監軍奮威將軍封博陽亭侯初建寧郡殺太守正昂縛太守張裔于吳故都
督常駐平夷縣至忠乃移治味縣處民夷之間又越嶲郡亦久失土地忠率將太守
張嶷開復舊郡由此就加安南將軍進封彭鄉亭侯延熙五年還朝因至漢中見大
司馬蔣琬宣傳詔旨加拜鎮南大將軍七年春大將軍費禕北禦魏敵留忠成都平
尚書事禕還忠乃南歸十二年卒忠爲人寬濟有度量但談啁大笑忿怒不形於色
然處事能斷恩威並立是以蠻夷畏而愛之及卒莫不自致喪庭流涕盡哀爲之立
廟祀水旱必禱焉張表時名士清望踰忠閭宇宿有功幹於事精勤繼踵在忠後其
威風稱績皆不及忠表字伯達蜀郡成都人有威儀風觀仕至尚書代馬忠加安南
將軍楊戲華陽國志作義今依蜀志副之戲字文然犍爲武陽人少與表並知名以東曹掾遷南
中郎參軍副貳庾降都督領建寧太守以疾徵還所在清約不煩蜀志有傳閭宇字
文平南郡人表卒後代爲都督楊戲傳曰張表始名位與戲齊後至尚書督庾降後將軍先戲沒霍弋副貳之弋字
紹先南郡枝江人梓潼太守峻子也累遷太子中庶子援引古儀盡言規諫甚得切
磋之體爲參軍庾降屯副貳都督華陽國志弋甚善參毗之禮遂代字爲監軍安南將軍撫和異俗爲之立法施教輕重允當夷漢安之

都勻縣志稿卷二十

藝文外篇上

三十一

又轉護軍統事如前時永昌郡夷獠恃險不賓數爲寇害乃以弋領永昌太守率偏
軍討之遂斬其豪帥破壞邑落郡界寧靜遷監軍翊軍將軍領建寧太守還統南郡
事景耀六年進號安南將軍聞魏軍來弋欲赴成都後主以備敵既定不聽及成都
不守弋素服哭號大臨三日諸將咸勸宜速降弋曰今道路隔塞未詳主之安危大
故去就不可苟也若主上與魏和見遇以禮則保境而和不晚也若萬一危辱吾將
以死拒之何論遲速耶得後主東遷之間始率六郡將守上表曰臣聞人生於三事
之如一惟難所在則致其命今臣國敗主附守死無所是以委質不敢有二晉文王
善之拜南中都督委以本任後遣將兵救援呂興平交趾日南九真功封列侯華陽志曰
及晋世因仍其任時交趾不附假弋節遙領交州刺史得以便宜選用長吏令官和解夷人及適罰之皆依弋故事進號崇賞焉弋卒子在龔
領其兵

晉寧州刺史列傳

魏既併蜀司馬昭因庾降都督之舊以霍弋任之弋卒子在龔暫領其兵和諸姓旋
以巴西太守吳靜爲代二字增華靜在官數年撫郵失和軍師鮮于嬰表徵靜還嬰
因代之晉書紀太康元年秋七月虜軻成泥寇西平浩疊殺督將以下三百餘人二

武帝泰始七年華陽志作六年八月以益州大分南中建寧雲南永昌興古四郡爲寧州嬰

爲刺史遂曲赦四郡殊死以下咸寧五年尙書令衛瓘奏兼併州郡太康三年罷寧

州晉書武帝紀太康三年秋八月罷平州寧州刺史三年一入奏事置南夷罷寧州諸郡益州置南夷校尉持節如

西夷皆舉秀才賢良以天水李毅爲校尉持節統兵鎮南中統五十八部都監行事

每夷供貢南夷府入牛金旃馬動以萬計皆豫作忿恚致校尉官屬其供郡縣亦然

南人以爲饒自四姓子弟仕進必先經都監夷人大種曰昆小種曰叟皆曲頭木耳

環鐵裹結無大侯王如汶山漢嘉夷也夷中有桀黠能言議屈服種人者謂之耆老

使爲主議好譬喻物謂之夷經今南人言論雖學者亦半引夷經與夷爲姓曰違耶

諸姓曰自有耶世亂犯法輒依之藏匿或有爲官所法夷或爲執仇與夷至厚者謂

之百世違耶恩若骨肉爲其逋逃之藪故南人輕爲禍變恃此也其俗徵巫鬼好詛

盟投石結草官常以盟詛要之諸葛亮乃爲夷作圖譜先畫天地日月君長城府次

畫神龍龍生夷及牛馬羊後畫部主吏乘馬幡盖巡行安郵又畫牽牛負酒齎金寶

詣之象以賜夷夷甚重之許聲生口直又與瑞錦鐵券每刺史校尉至齎以呈詣動

亦如之毅後永昌呂祥爲校尉祥後數人數人無考李毅廣漢郫人字見剛王濬刺益州

都勻縣志稿卷二十

藝文外篇上

三十二

以爲主簿別駕舉秀才濬伐吳爲參軍封關內侯遷雲南太守濬薨武帝思濬勳問

毅所在徙犍爲使持節南夷校尉久之建寧太守巴西杜俊朱提太守梓潼雍約懦

鈍無治政以賄成俊奪大姓鐵官令毛詵中郎李督後賢志督作觀下同部曲致詵弟耐罪朱

提大姓太中大夫李猛有才幹弟爲功曹分當察舉而俊約受都尉雷逢賂舉逢子

炤孝廉不禮猛猛等怨之大安元年秋詵督猛逐俊以叛猛遺之書曰昔魯侯失道

季氏出之天之愛民君師所治知足下追踵古人見賢思齊足下箕帚枉慚吾郡亦

逐約應之作亂衆數萬毅討破之斬詵首督走依違耶五荼夷帥于陵承猛箋降曰

生長遐荒不達禮教徒與李雄和光合勢雖不能營師五丈略地涓濱冀北斷褒斜

東據永安退考靈符晉德長久誠非狂夫所能干輒表革面歸罪有司毅惡其言遂

誘殺之行部永昌從事江陽孫辨上南中形勢七郡斗絕晉弱夷強加其土人屈塞

應復寧州以相鎮慰冬十一月丙戌詔書復置寧州增統牂柯益州朱提合七郡爲

刺史加龍驤將軍進封成都縣侯後賢志作成都內侯二年于陵承詣毅請恕督罪毅許之督

至羣下以爲詵督破亂州土必殺之毅不得已許諾及死督于陵承及詵猛違耶怒

扇動謀反奉建寧太守巴西馬恢爲刺史燒郡僞發毅方疾作力出軍初以救恢及

聞其情乃殺恢夷愈強盛破壞郡縣役吏民會毅病甚軍連不利晉民或入交州或入永昌牂柯半亦爲夷所困虜夷因攻圍州城毅但併力固孤城病篤不能戰討時李特李雄作亂益州而所在有事救援莫至毅上疏陳謝不能式遏寇虐疾與事遇使虜遊魂兵穀既單器械窮盡而求救無望坐待殄斃若不垂矜憂乞請大使及臣尙存加臣重罪若臣已死陳屍爲戮光熙元年春三月毅薨子釗任洛還赴到牂柯路塞停住交州文武以毅女秀明達有父才遂奉領州事秀初適漢嘉太守廣漢王載將家避地在南故共推之又以載領南夷龍驤將軍秀獎勵戰討食糧已盡人但載茹草炙鼠爲命秀伺夷怠緩輒出軍掩破首尾三年釗乃得達丁喪文武復逼釗領州府事毅故吏毛孟等詣洛求救至欲自刎懷帝乃下交州使救助之懷帝紀永嘉元年夏五月建寧郡夷攻陷寧州死者三千餘人以釗爲平寇將軍領南夷護軍遣御史趙濤贈毅少府諡曰威侯交州刺史吾彥遣子威遠將軍咨以授之朝廷以廣漢太守王遜爲南夷校尉寧州刺史代毅遜字紹伯魏興人也仕郡察孝廉爲吏部令史轉殿中將軍累遷上洛太守私牛馬在郡生駒犢者秩滿悉以付官云是郡中所產也轉魏興廣漢太守按史

本傳不言遜爲廣漢守據華陽國志增

治中毛孟詣京師求刺史不見省孟固陳曰君亡親喪幽閉窮

都勻縣志稿卷二十

藝文外篇上

三十三

城萬里訴哀不垂愍救既慚包胥無哭秦之感又愧梁妻無崩城之驗存不若亡乞賜臣死朝廷憐之乃以遜爲南夷校尉寧州刺史於郡便之鎮遜與孟俱行道遇寇賊自永嘉元年授除四年乃至本傳云永嘉四年毛孟求刺史遜與孟俱行踰年乃至今從華陽志遜未到州遙舉建

寧董敏爲秀才

本傳作董聯下同

郡久無太守功曹周悅行郡事輕敏不下其板本傳云謂聯非才不

下板

檄 遜至怒收殺悅悅弟秦臧長周昺合夷叟謀以趙濤父混昔爲建寧太守有德

惠潛欲殺遜樹濤事覺遜并濤誅之夷晉莫不惶懼表釗爲朱提太守治南廣禦雄時荒亂後倉無斗粟衆無一旅官民虛竭繩紀弛廢遜惡衣菜食招集夷民夷徼厭亂漸亦返善勞來不怠數年克復以五荼夷昔爲亂首圖討之未有致罪會夷發夜郎莊王墓遜因此遂討滅之又誅豪右不奉法度者數十家討剛夷數千落俘馘千計獲馬牛羊數萬餘威震南方建興初遜以地勢形便上分牂柯爲平夷郡又分爲夜郎郡分朱提爲南廣郡分建寧爲平樂郡分雲南爲河陽郡華陽國志元帝世王遜移朱提治郡南廣又云益州郡後太守李暹與前太守董曄建寧蠻量共叛王遜表改益州爲晉寧郡又云晉元帝世太守建寧孟才以驕暴無恩郡民王清范期逐出之刺史王遜怒分警平爲平夷郡夜郎以南爲夜郎郡分永昌爲梁水郡又改益州郡爲晉寧郡事皆施行郎郡本傳云分建寧爲夜郎郡

遜又遣子澄奉表勸進於元帝元帝嘉之累加散騎常侍平西安南將軍又兼益州

刺史假節校尉刺史如故賜爵褒中縣公南中志云而嚴猛太過多所誅鋤健為太

守朱提雷炤流民陰貢平樂太守董霸破牂柯平夷南廣北降李雄愍帝紀曰建興四年平夷太守

雷炤害南廣太守孟桓率郡三千餘家叛降于李雄建寧爨量與益州太守李暹梁水太守董儉保興古槃南

以叛雄晉書明帝紀曰太寧二年十二月梁水太守爨亮益州太守李暹以興古叛降于李雄是二人之保盤南亦未久也先是越嶲太守李釗

為李雄所執自蜀逃歸遂復以釗為越嶲太守李雄遣李驤任回攻釗釗自南秦與

漢嘉太守王載共拒之戰于溫水釗敗績載遂以二郡附雄後驤等又破越嶲渡瀘

水寇寧州遂使將軍姚崇南中志曰遂使使督護雲南姚岳爨深距之戰于堂狼大破驤等崇追至

瀘水透水死者千餘人崇以道遠不敢渡水南中志曰姚岳距驤遠遂指授雖大破驤不獲晉書明帝紀太寧元年五月李

驤等寇寧州刺史王遜遣將姚岳距戰於堂狼大破之遜以崇不窮追也怒囚群帥執崇鞭之怒甚髮上衝冠

冠為之裂夜中卒南中志曰大興四年遜發病薨遜在州十四年州人推中子堅領州府事詔除堅

為南夷校尉寧州刺史假節諡遜曰壯陶侃懼堅不能抗對蜀人表以零陵太守尹

奉為代徵堅還京病卒奉南陽人成帝咸和初為寧州刺史南夷校尉南中志曰永昌元年奉為

刺史考晉紀明帝太寧元年王遜遣姚岳距李驤在永昌後數年又爨量李暹王遜降雄在二年則其時遜尚未薨也志當有誤太寧盡三年則奉當以成和初至

時爨量保盤南遜出軍攻討不能克遜薨後寇掠州下吏民患之奉重募徼外夷刺

都勻縣志稿卷二十 藝文外篇上 三十四

殺量而誘降李暹盤南平以功進安西將軍遷陵伯乃割興古雲南為西平郡二年

正月寧州起義兵攻李雄將任佗李謙等雄遣其將羅恆費黑救之奉遣裨將姚岳

朱提太守楊術援遺戰於登臺岳等敗績術死之七年秋李壽寇寧州以費黑為司

馬與邵攀為前軍由南廣入又別遣任回子調由越嶲冬十月壽黑至朱提朱提太

守董炳固城奉遣建寧太守霍彪建寧大姓爨孫等助炳時壽已圍城欲逆拒之黑

曰料城中食少霍彪等雖至齎糧不多宜令人入城共消其穀猶嫌其少何緣拒之

彪等皆入城城久不下壽急欲攻之黑謂必待其困不足汲汲壽戰果不利乃悉以

軍事任黑八年春正月彪炳等出降三月奉亦舉州降雄遷奉於蜀奉在州威刑緩

鈍政治不理至是南中盡為雄有壽偽領寧州其初威禁甚肅復轉凌掠民秋建寧

民毛衍羅屯等殺偽太守邵攀又牂柯太守謝恕保境獨為晉壽並破之恕終不為

壽用恕官至撫夷中郎將寧州刺史冠軍將軍九年春雄分寧州置交州偽以霍彪

為寧州爨深為交州刺史封壽建寧王咸康二年廣州刺史鄧嶽遣督護王隨擊夜

郎新昌太守陶協擊興古並剋之四年秋 月丙午分寧州置安州五年春三月乙

丑廣州刺史鄧嶽伐蜀建寧人孟彥執李壽將霍彪降七年十二月癸酉罷安州穆

帝升平初以毛穆之督寧州諸軍事楊威將軍寧州刺史穆之子憲祖滎陽武人
哀帝興寧初以周仲孫督寧州軍事振武將軍寧州刺史仲孫訪之孫廬江尋陽人
訪子撫字道和咸和後曾以征虜將軍督寧州諸軍事本傳年未詳仲孫在州貪暴
人不堪命桓溫以梁益多寇周氏世有威稱復除監益豫梁州之三郡軍事寧康初
楊安寇蜀失守免官太元中爲寧州刺史者有費統水經注云太元十四年寧州刺
史費統言晉寧郡滇池縣兩神
馬史安帝初毛穆之子璠爲寧州刺史晉書毛璠傳云璠弟寧州刺史璠喪官璠兄
球孫祐之及參軍費恬以數百人送喪葬江陵會桓元之亂義熙元年安帝反正以
璠弟蜀郡太守瑗爲輔國將軍寧州刺史未至爲譙縱所害廣韻閩子注云晉有寧
州刺史樂安辟閩彬通志又有辟閩允晉寧州刺史平原人皆未詳何帝時

李鈞

字晴川墊江人咸同間以候補知府
從羅守應旒來平勻亂多所擘畫

平舟白骨叢塚記

同治十二年五月

平舟土沃田肥三面環水爲勻陽形勢之冠郡城陷後咸挈家居之戶四五千以不
治墻濠繕守禦賊來輒陷都人士之死於是者不知凡幾自咸豐乙卯迄辛未越十
有七年亂始定人民離散土地荒蕪吾鄉星潭觀察提一旅來守是邦蒿日情形慨
都勻縣志稿卷二十 藝文外篇上 三十五

然以興教興養移風易俗爲己任又引余總善後局立義學社倉於里閭凡不便於
民者皆去之癸酉夏以次至平舟荊榛滿地骸骨相望天陰雨夕輒聞嗚嗚鬼哭聲
鄧蘭台大令憫其魂魄之無依也檢而瘞諸原又爲文以祭之所以妥泉台者至矣
因念夫三代以還治日少亂日多望古遙集幾疑造物者至今日而一變其局而不
知所以致亂如此者皆人事所感召而乘除消長之說不與焉伊古以來干戈擾攘
城郭圯墟之所由孰非倫常乖戾天理滅亡有以階之厲耶都人士幸際太平其各
鑒前車思所以迓祥和而弭災眚父與父言慈子與子言孝睦婣任卹還我太古之
風是則余與星潭觀察今日之所厚望也夫

莫庭芝

貴陽陳田黔詩紀略後編小傳莫教授庭芝字芷升獨山人貞定先生子
友芝弟也道光己酉拔貢生官思南教授晚爲貴陽州學古書院山長山子

承父兄樸學早歲研精交長之書督學使者託爲僅見取入州學旋以拔萃生試
於廷屢挫不得志晚乃得教官銳意學詩鋒穎少鈍而苦心鍛鍊掃盡輕俗之弊
道咸間鄉先輩留意黔中伯文獻莫子偲任明一代之詩黎伯容任國朝二百年來
之詩子偲書成播之通都伯文搜輯極博經亂散失存者無幾山長繼之周諮博
訪積書盈尺延黎舉人受生佐輯之丙戌請急歸山長見以此事相屬余覓寫
官錄副庸者汰之佚者補之搜輯考訂竭數月之力始克脫稿暨來京師余時有
明詩紀事之役三十年乃竣事以其餘力探黔人之著述又補之屬一二論別流派
甄錄雅故此書乃蔚然可觀庶可告無罪於先哲而山長殷殷見屬之意若前日
青田山廬詩鈔二卷詞一卷

尹先生祠記 光緒五年五月

貴州書院嚮皆祠祀道真尹先生蓋猶表宅里謝風聲而崇後進之瞻視也貴州在漢大半爲牂柯郡地武帝時郡人盛覽從司馬相如學賦歸以教授文教始開後百有餘年當東漢中葉而道真尹先生毅然崛起向學從師授五經圖緯還教鄉人經學于是乎始故千餘年黔中文學之祖必首推先生也然著述無傳里居荒忽學者用爲歛然按華陽國志序志文學荊州刺史尹珍字道真毋斂人南中志明章之世毋斂人尹珍字道真以生遐裔未漸庠序乃遠從汝南許叔重受五經又師事應世叔學圖緯通三材還以教授于是南域始有學焉珍以經術選用歷尙書丞郎荊州刺史而世叔爲司隸校尉師生並顯後漢書西南夷傳桓帝時郡人尹珍自以生於荒裔不知禮義乃從汝南許慎應奉受經書圖緯學成還鄉教授于是南域始有學焉珍官至荊州刺史常志范書時代縣異八十餘年迨傳聞不免小舛耳毋斂漢縣名隸牂柯郡漢志毋斂下剛水至潭中入潭鬱林郡定周下水首受毋斂東入潭行七百里九十里說者據水分疆謂剛水即今貴州獨山江源自獨山城西二里簡利寨東南流會都勻府王家司八寨廳諸小水至三脚壘名獨山江一名都江經古州界都勻縣志稿卷二十

藝文外篇上

三十六

入廣西懷遠縣境經融縣過柳城縣至柳州府城西南合柳江水道提綱稱原委九百里實柳江西源是也今柳江即潭水源出黎平府境漢志潭水出鐔成玉

一作山

今柳城即潭中縣地獨山江于柳城合柳江與剛水至潭中入潭正合定周則黎平鐔成地也當今慶遠府地其上游即都勻則今貴州都勻之一府除清平麻哈外兼黎平之古州及廣西接古州荔波縣地皆毋斂縣地也酈道元水經注存水下稱周水東至且蘭縣北又東徑毋斂縣北東南與毋斂水合水首受牂柯水東徑毋斂縣爲毋斂水又東注於存水溫水注潭水東徑鬱林潭中縣周水自西南來注之又東南與剛水合水出西牂柯毋斂東至潭中入潭是酈氏以毋斂水爲一水入于周水周水與剛水又別是兩水周水合潭以後剛水始入潭不知剛水周水毋斂水止是一水隨地易稱班志首尾互足與叙鬱水橋水一例水經及酈注多駁文不足據也今正安州北有毋斂壩尹珍宅址綏陽縣有唐廣明間尹公講堂碑碣唐去漢未遠必非附會意先生還鄉教授自不一地凡屬牂柯舊縣稱先師食鄉社宜也吾黔省城向建書院三皆崇祀先生自王文成公主講以後貴山遂兼祀陽明有司以歲時致奠正習正本兩書院先生祠宇僅存而祀典廢缺前年當道諸公銳意敦實學勵

眞儒改正習爲學古書院 多士又捐資遠購圖籍就講堂故制拓之建樓三楹
顏曰敬業庋書其上琳瑯縹緗古香四壁余以舊祠卑狹非所以嚴廟貌妥神靈也
乃于戊寅五月朔日奉先生木主于樓正中左右篋笥環列俾登斯樓者瞻仰先生
慨然有思樸學經訓之原而動考古之志焉則先生之遺韻餘徽其沾惠後來者豈
淺鮮哉然祀典不修無以伸後學高山景行之慕遂以五月朔日爲莫祀之辰率我
庠序以將澗毛沼藻清酒太羹俎豆莘莘執事有恪物薄而意虔儀微而禮備濟濟
踴躍進退有度降神合漠如履如臨禮儀旣卒衆賓咸退余進而言曰先生生年無
徵自今茲以五月朔日致祭其永永無替咸曰善因書其事勒石並先生爵里世次
而詳著之